

Zarma - Soojey Tira Hanney - Soldiers Scriptures

Ephésiens 6:10-18

10 Woodin banda, arañ ma te gaabi Rabbi do d'a dabari gaabikoono ra mo. 11 Wa arañ wongu bankaarayey dañ, wa arañ wongu jinayey koto. Irikoy n'i no arañ se zama arañ ma du ka kay ka gaaba nda Iblisi carma. 12 Zama iri siino ga gurjay da Adam-izey bo, amma iri goono ga gurjay da koyey, da hinkoyey, da zamana wo kubay ra maykoy, da beena ra ganji laaley margey. 13 Woodin sabbay se binde, arañ ma wongu jinayey kulu sambu kañ Irikoy n'arañ no, zama arañ ma du ka kay zaari laaley ra. Koyne, d'a kulu ban banda, arañ ga kay. 14 Arañ ma kay bo! Wa cimi _sanno_|_ sambu, a ma ciya arañ se guddama. Wa goy da adilitaray, a ma ciya arañ se gande gaa kosaray. 15 Baaru Hanna ga laakal kanay dañ _boro nda Irikoy game ra|_. Wa Baaru Hanna waazuyañ soola haw arañ cey gaa danga taamu cine. 16 I kulu boñ mo, arañ ma cimbeeri sambu, a ma ciya arañ se danga koray cine. Kora din no arañ ga hin ka hangaw danjikoy kulu kosaray d'a kañ llaala ga hay. 17 Wa sambu _arañ|_ faaba, a ma ciya arañ se wongu fuula. Wa sambu mo Irikoy Sanno kañ ga ti takuba kañ Biya _Hanno|_ n'arañ no. 18 Arañ ma adduwa te alwaati kulu mo Biya _Hanno|_ ra, adduwa kulu dumi da nwaarayyañ. Arañ ma woodin haggoy da anniya ka nwaarayyañ te mo hanantey kulu se.

Psaumes 91

1 Beeray-Beeri-Koyo bukka ra gorokwa ga tondo Hina-Kulu-Koyo biyo cire. 2 Ay ga ne Rabbi se kañ nga ya ay koruyañ do no, d'ay gaabi nangu, D'ay Irikoyo mo. A gaa no ay ga de. 3 Zama nga no ga ni kaa ni koliko hirrimi ra, Da balaaw kañ ga kande buuyañ mo ra. 4 A ga ni daabu nda nga hamno, Ni ga du kosaray a fatey cire. A cimo ya koray da guuru kwaay no. 5 Cin humburkumay si ni di, Wala mo hangaw kañ ga tun zaari, 6 Wala balaaw kañ ga lamba kubay ra, Wala halaciyañ kañ ga leemun zaari bindi. 7 Boro zambar ga kañ ni tanjay, Zambar way mo koyne ni kambe nwaari gaa, Amma a si maan ni gaa. 8 Ni moy hinne no ni ga guna nd'a ka di boro laaley banando. 9 Zama nin, ya Rabbi, nin no ga ti ay koruyañ do! Beeray-Beeri-Koyo ciya ni gora do. 10 Laala si no kañ ga du nin, Balaaw fo mo si no kañ ga maan ni bukka gaa. 11 Zama a ga lordi no nga malaykey se ni boñ, I ma ni hallasi ni fondey kulu ra. 12 I ga ni tambe ngey kambey ra, Zama ni ma si ni ce nuku tondi gaa. 13 Ni ga muusu beeri nda firs

taamu, Muusu beeri ize da gondi beeri mo, Ni g'i taamu-taamu ni ce taamey cire. 14 "Za kaŋ a na nga baakasina sinji ay gaa, Woodin sabbay se no ay mo g'a kaa kambe. Ay g'a hallasi zama a g'ay maa bay. 15 A g'ay ce, ay mo ga tu a se. Kankami ra ay ga bara a banda. Ay g'a faaba, ay g'a beerandi mo. 16 Ay g'a no aloomar kuuku hal a ma ne a wasa, Ay g'ay faaba mo bangandi a se."

Psaumes 18

1 Doonkoy jine bora se. Rabbi tamo Dawda wane no. A na baytu woone sanney ci Rabbi se hano kaŋ hane Rabbi n'a kaa nga ibarey kulu da Sawulu mo kambe ra. A ne: 2 Ya Rabbi ay gaabo, ay ga ba nin. 3 Rabbi ya ay tondo no, d'ay wongu fuwo, d'ay faabakwa mo, D'ay Irikoyo, ay tondi gaabikoono. A ra no ay ga tugu. Ay korayo d'ay faaba hillo, D'ay cinari kuuko mo no koyne. 4 Ay ga ce Rabbi gaa, nga kaŋ to sifayaŋ. Woodin ga naŋ ay ma du faaba ka fun ay ibarey kambe ra. 5 Buuyaŋ korfey didiji ay gaa, Irikoy jaŋ-ka-ganayaŋ baayaŋo n'ay humburandi. 6 Alaahara korfey n'ay koli ka windi, Buuyaŋ hirrimmey n'ay di. 7 Ay kankamo ra ay na Rabbi ce, Ay na jinde tunandi ay Irikoyo gaa. A maa ay jinda nga fuwo ra, Ay hēeno kaŋ ay te a jine din mo furo a hangey ra. 8 Saaya din no laabo gaan, a zinji. Tondi kuukey tiksey nyooti, I zinji-zinji, zama Rabbi futu. 9 Dullu fun a niina ra ka ciciri, Danji mo kaŋ ga ŋwa ka ban fun a meyo ra. A na danji-bi yaŋ diyandi. 10 A na beena gungumandi ka zumbu ganda. Kubay bi tik go a ce taamey cire. 11 A kaaru ciiti malayka boŋ ka tun beene. Oho, a tun da waasi haw fatey boŋ ka deesi. 12 A na kuba ciya nga tuguyaŋ do. A bukka no kaŋ go g'a windi, hari kubay, beene hirriyaŋ beerey no. 13 A beene hirriyaŋ beerey bisa, zama kaari go a jine, Da gari da danji'ize. 14 Rabbi kaati beeney ra, Beeray-Beeri-Koyo na nga jinda beerandi, gari da danji ize. 15 A na nga hangawey donton k'i say-say. Oho, a maliyaŋ booba no, ka n'i kar ka say mo. 16 Ya Rabbi, ni kaatiyaŋo da ni niina funsuyaŋo yooja mo gaa, Goorayze kuukey bangay, ndunnya tiksey mo fun taray. 17 A go beene, a donton k'ay sambu, A n'ay candi ka kaa hari-yaa bambatey ra. 18 A n'ay hamay ka kaa ay ibare gaabikoono kambe ra, Da borey kaŋ yaŋ konna ay kambe ra mo, Zama i bisa ay gaabi. 19 I kaŋ ay boŋ ay masiiba zaaro ra, Amma Rabbi ciya ay se deyaŋ hari. 20 A kande ay nangu yulwanta ra. A n'ay kaa kambe, zama a ga farhã d'ay. 21 Rabbi n'ay bana ay adilitara hino me, Ay kambey hananyaŋo me no a yeti ay se. 22 Zama ay na Rabbi fondoy haggoy, Ay mana laala mo ka fay d'ay Irikoyo. 23 Zama a farilley kulu go ay jine, Ay man'a hin sanney mo ganandi. 24 Ay ya toonante no a do haray. Ay n'ay fundo gaay mo ay laalayaŋ ciine ra. 25 Woodin se no Rabbi bana ay se ay adilitara hino me, D'ay kambey hananyaŋ hino me nga jine. 26 Suujikoy se ni ga ni boŋ cabe Suujikoy. Boro toonante se mo ni ga

ni boŋ cabe toonante. 27 Boro kaŋ bina ga hanan se ni ga ni boŋ cabe bine-
hanno-koy. Siirante mo, ni ga ni boŋ cabe a se carmaykom. 28 Zama ni ga
taabantey faaba, Amma ni ga boŋ-jarekoy kaynandi. 29 Zama ni g'ay fitilla
diyandi, Rabbi ay Irikoyo g'ay kuba hanandi. 30 Zama ni hino no ay na wongu
sata gaaba nd'a, Ay Irikoyo hino no ay ga cinari sar ka daaru nd'a. 31 Irikoy wo,
a fonda ya toonante no. Rabbi sanno ya neesante mo no, Koray mo no boro
kulu kaŋ ga tugu a ra se. 32 Zama may no ga ti Irikoy, kala Rabbi? May no ga ti
tondi, kala iri Irikoyo? 33 Irikoy kaŋ n'ay guddama da gaabi, A n'ay fonda ciya
toonante. 34 A n'ay cey ciya sanda jeeri wane yaŋ cine, A g'ay daŋ ay nangu
beerey boŋ. 35 A g'ay kambayzey dondonandi wongu, Hala ay kambey ga haw
daŋ guuru-say birawo ra. 36 Ni n'ay no ni faaba korayo mo, Ni kambe ŋwaaro
n'ay gaay, Ni baano mo n'ay beerandi. 37 Ni n'ay taamu-taamu yaŋ feeri ay cire,
Ay ce jindey mo mana mulay. 38 Ay n'ay ibarey ce banda gana, ay n'i to mo, Ay
mana bare ka ye mo kala kaŋ ay n'i ŋwa ka ban. 39 Ay n'i gooru k'i fun hala i
mongo ka hin ka tun, I kaŋ ay ce taamey cire. 40 Zama ni n'ay guddu nda gaabi
wongu sabbay se. Borey kaŋ yaŋ tun ay gaa mo, ni naŋ i ma sumbal ay cire. 41
Ni naŋ mo ay ibarey ma jinde banda no ay se, Zama ay m'ay konnakoy tuusu.
42 I kuuwa, amma faabako si no. I hē baa Rabbi gaa, amma a mana tu i se. 43
Waato din gaa no ay n'i kar hala i ciya sanda kusa kaŋ haw goono ga gaaray. Ay
n'i mun sanda kwaara ra fondo gaa potor-potor cine. 44 Ni n'ay faaba borey
canda-canda gaa. Ni n'ay ciya dumi cindey mayko. Dumi kaŋ doŋ ay s'a bay, a
go ga may ay se. 45 Ay baaru maayaŋ gaa i g'ay gana, Yawey ga boŋ ye ay se
ganda. 46 Yawey ga lakaw, I ga fatta ngey wongu fuwey ra, i gaahamey go ga
jijiri. 47 Rabbi ya fundikooni no! W'ay tondo sifa! Ay faaba Irikoyo, w'a beerandi
gumo! 48 Irikoy no ga bana ay se, A ga dumi waani-waani daŋ ay mayra cire. 49
A g'ay hamay ka kaa ay ibarey kambe ra. Daahir, ni g'ay beerandi borey kaŋ tun
ay se yaŋ boŋ. Ni g'ay soolam ka kaa toonyantey kambe ra. 50 Ya Rabbi,
woodin se no ay ga saabu ni se dumi cindey game ra. Ay ma sifayaŋ baytu te ni
maa gaa. 51 A ga faaba beeriyaŋ no bonkoono kaŋ a daŋ din se, A ga
baakasinay suuji cabe mo nga wane suubananta se, Kaŋ ga ti Dawda nda nga
banda se hal abada.

Pastor T. John Franklin
Church of Salvation, Healing, and Deliverance
COS-HAD.org